



REPUBLIKA E SHQIPËRISË
GJYKATA E POSAÇME E APELIT
PËR KORRUPSIONIN DHE KRIMIN E ORGANIZUAR

Nr. 666 Prot.

Tiranë, më 10 /12/2021

NJOFTIM

PËR SHPALLJE KONKURRIMI PËR NJË VEND TË LIRË PUNE

Bazuar ne ligjin nr. 98/2016 datë 06.10.2016 “Për organizimin e pushtetit gjyqësor në Republikën e Shqipërisë”, shkresës së KLGJ-së me nr. 1671 prot., datë 09.03.2020, me lëndë: “*Mbi miratimin e shtesës në organikën e gjykatës*”, Gjykata e Posaçme e Apelit për Korrupsionin dhe Krimin e Organizuar ,bën këtë njoftim për shpalljen e konkurrimin për 1(një) vend të lirë pune, si më poshtë :

- **Për 1 (një) vend**, në pozicionin *nëpunës gjyqësor/ftues*, pranë Gjykatës së Posaçme të Apelit për Korrupsionin dhe Krimin e Organizuar.

Referuar nenit 51 të Ligjit nr. 98/2016 datë 06.10.2016 “Për organizimin e pushtetit gjyqësor në Republikën e Shqipërisë”, marrdhenia e punes me punonjesit e tjere ne gjykate,ku ben pjese dhe pozicioni i Nepunwsit civil gjyqwsor/Ftues rregullohet me Kodin e Punes.

Nëpunësi gjyqësor/ftues është subjekt procedural dhe përmbush detyrat procedurale në përputhje me dispozitat përkatëse të Kodit të Proçedures Penale.

Përshkrimi i përgjithshëm i punës për pozicionin *nëpunës gjyqësor/ftues*, janë si më poshtë:

- Nëpunësi gjyqësor në kryerjen e detyrave të tij bashkëpunon me sekretarine gjyqësor dhe sekretarin e seancës. Ai i dorëzon sekretarit gjyqësor përkatës aktet e njoftimit përpara datës së përcaktuar për seancën gjyqësore;
- Nëpunësi gjyqësor duhet të marrë pjesë në seancën gjyqësore dhe merr masa për zbatimin e urdhërave të gjykatës për njoftimin dhe futjen në sallë të dëshmitareve, ekspertëve dhe kërkon nga ata solemnitet e respektim të trupit gjykues.
- Orienton palet të vendosen para gjykates.
- Njofton aktet me shkrim, telefon e kundrejt firmes se marresit, kur eshte e mundur, deshmitaret, ekspertet etj, sipas menyres se percaktuar ne proceduren civile e penale, dhe, ne cdo rast, tregon kujdes per eliminimin e shkaqeve te pavlefshmerise se njoftimeve e te akteve. Aktet e njoftuara para dates se caktuar per seancen gjyqesore i dorezon te sekretari seances perkates.

- Bashkëpunon me sekretarët gjyqësorë për zhvillimin e proceseve, për përgatitjen e dokumenteve, vërtetimeve, njoftimeve dhe akteve të tjera të kërkuara prej tyre, si edhe, kur nevojitet, përgatit kopje të dokumenteve dhe bashkëlidhje të dosjeve;
- Siguron kushtet e sallës së gjyqimit që do të përdoret, si edhe rregullin brenda saj, etj.

Kërkesat e veçanta për pozicionin *Nëpunës Gjyqësor*, janë si më poshtë :

- të jenë diplomuar në drejtësi si Jurist , në nivelin Bachelor ose Master, niveli *Master* ka përparësi.
- të mos jetë i dënuar, të mos ketë masa disiplinore në fuqi, ose të mos jetë në procedim disiplinor.
- të njohë dhe të përdorë programet bazë të punës në kompjuter;
- të ketë aftësi të mira komunikimi dhe të punës në grup;
- përvoja, eksperiencia profesionale apo trajnime në lidhje me praktikën profesionale gjyqësore ose në fushën juridike.

-Kandidati duhet të paraqes zyrtarisht, brenda datës **24.12.2021**, pranë kryesekretarisë së Gjykatës së Posaçme të Apelit për Korrupsionin dhe Krimin e Organizuar, dokumentat e mëposhtëm:

- Kërkesë motivimi për aplikim në vendin e punës që konkuron.
- CV.
- Fotokopje të noterizuar të diplomës dhe listës së notave.
- Fotokopje të noterizuar të librezës së punës, nëse ka.
- Fotokopje të noterizuara të certifikatave të trajnimeve apo kualifikimeve (nëse ka).
- Vërtetim të gjendjes shëndetsore (raport i aftësisë në punë).
- Vërtetim i gjendjes gjyqësore si dhe formulari i vetdeklarimit të gjendjes gjyqësore
- Kontaktet (*numër telefoni dhe adresë email*) dhe adresën e plotë të vendqëndrimit.
- Fotokopje të kartës së identitetit.
- Vërtetim banimi.
- Certifikatë familjare .

Gjithashtu bazuar në nenin 6 të ligjit 95/2016” Për organizimin dhe funksionimin e institucioneve për të luftuar korrupsionin dhe krimin e organizuar” kandidati i nënshtrohet Procedurës së verifikimit të kushteve të sigurisë përpara emërimit në detyrë ku bashkë me kërkesën për aplikim, plotëson dhe dorëzon:

a) dhënien e pëlqimit për kontrollin periodik të llogarive të tyre bankare dhe të telekomunikimeve vetjake, për të cilën kandidati plotëson dhe nënshkruan një deklaratë me shkrim, sipas shtojcave B1 dhe B2 të këtij ligji;

b) dhënien e pëlqimit prej anëtarëve të afërt të familjes për kontrollin periodik të llogarive të tyre bankare dhe të telekomunikimeve vetjake, për të cilën anëtari i afërt i familjes plotëson dhe nënshkruan një deklaratë me shkrim, sipas shtojcës B3 të këtij ligji.

(Formularët gjenden të publikuar bashkëlidhur këtij njoftimi).

Mosparaqitja e plotë e dokumentave sjell skualifikim të kandidatit.

Konkurrimi zhvillohet në *dy faza*:

1. **Verifikimi paraprak**, i përmbushjes së kushteve minimale për pozicionin e punës dhe kërkesave të veçanta në shpalljen për konkurrim, do të kryhet brenda datës **29.12.2021**, në ambientet e Gjykatës, dhe po në datë **29.12.2021** do të shpallet lista e kandidatëve që plotësojnë kushtet e përgjithshme dhe të veçanta në shpalljen për konkurrim dhe listat e atyre që nuk i plotësojnë.
 2. **Intervista** e strukturuar me gojë, për kandidatët fitues të fazës së parë, do të zhvillohet më datë **05.01.2022 ora 12:00**, pranë ambienteve të Gjykatës së Posaçme të Apelit për Korrupsionin dhe Krimin e Organizuar.
- **Fusha e njohurive**, aftësitë dhe cilësitë që do të vlerësohen në intervistë janë :

Kushtetuta e Republikës së Shqipërisë, e ndryshuar: Ligji nr. 98/2016 “ Për organizimin e pushtetit gjyqësor në Republikën e Shqipërisë”; Ligji nr. 95/2016 “Për organizimin dhe funksionimin e institucioneve për të luftuar korrupsionin dhe krimin e organizuar”, Ligji nr. 96/2016 “ Për statusin e gjyqtarëve dhe prokurorëve në Republikën e Shqipërisë”; Kodi i Procedurës Penale; ligji nr. 9131 datë 08.09.2003 “ Për rregullat e etikës në Administratën Publike”.

Vlerësimi i kandidateve do të bëhet sipas kërkesave të ligjit nr. 98/2016 “Për organizimin e pushtetit gjyqësor në Republikën e Shqipërisë”.

Data e daljes së rezultateve do të jetë **07.01.2022**.

Njoftimi dhe komunikimi për kandidatët do të jetë nëpërmjet telefonit dhe adresës së e-mail të kandidatit.

